

Dječije hodalice

Dječije hodalice su namijenjene za djecu koja mogu samostalno sjediti iznad 6 mjeseci starosti i maksimalne težine do 12 kg. Dječija hodalica predstavlja pokretni ram u koji se dijete postavlja u sjedećem ili stojećem položaju, koji mu omogućava da se kreće.

Dječija hodalica mora biti konstruisana tako da se spriječe rizici od priklještenja, posjekotina i povreda za dijete i za osobu koja pazi na dijete. Dječije hodalice se mogu staviti na tržište Bosne i Hercegovine, u skladu sa Zakonom o općoj sigurnosti proizvoda, samo ako su sigurne.

Dječije hodalice se smatraju sigurnim ukoliko ispunjavaju sigurnosne zahtjeve propisane u bosanskohercegovačkom standardu BAS EN 1273:2010.



Najčešći rizik

Najčešći rizik kojem su djeca izložena kada koriste hodalicu je rizik od pada niz stepenice. Dječije hodalice koje imaju više točkica od četiri i nemaju zaustavljače s donje strane rama hodalice su nesigurne za djecu i predstavljaju rizik od pada niz stepenice. Primjer nesigurne hodalice, koja ima osam točkica i nema zaustavljače, prikazan je na sljedećoj slici:



Dječije hodalice moraju ispunjavati zahtjeve u pogledu sigurnosnih upozorenja, označavanja i uputa za upotrebu kako bi se mogle koristiti na siguran način.

Sigurnosno upozorenje na ambalaži za pakiranje

Ukoliko se plastična ambalaža koristi za pakovanje dječije hodalice, ista mora biti vidljivo označena sa sljedećim ili istoznačnim upozorenjem:

“UPOZORENJE - držati plastičnu ambalažu dalje od djece kako bi se izbjeglo gušenje“.

Označavanje dječije hodalice

Dječije hodalice moraju biti označene vidljivo i trajno na sljedeći način:

- Naziv ili trgovačka marka proizvođača, uvoznika ili poslovnog subjekta odgovornog za prodaju;
- Broj standarda: BAS EN 1273:2010 ili EN 1273:2005;
- Referentni broj ili serijski broj;
- „UPOZORENJE – Nikad ne ostavljajte dijete bez nadzora.”

Ovo upozorenje treba biti vidljivo pri uobičajnom položaju u kojem se hodalica upotrebljava i može se koristiti zajedno sa piktogramom kao na sljedećoj slici:



Informacije za potrošače na mjestu prodaje

Sljedeće informacije moraju biti jasne, vidljive i čitljive na mjestima prodaje:

- „Namijenjena samo za djecu koja mogu samostalno sjediti, približno iznad 6 mjeseci starosti. Nije namijenjena za djecu koja mogu samostalno hodati ili čija težina prelazi 12 kg“
- UPOZORENJE — Nikad ne ostavljajte dijete bez nadzora
- UPOZORENJE — Onemogućite djetetu pristup stubištu, stepenicama i neravnim površinama.

Uputstvo za upotrebu

Uputstvo za pravilnu i sigurnu montažu i upotrebu dječije hodalice mora biti priloženo uz dječiju hodalicu. Ovo uputstvo mora sadržavati najmanje sljedeće ili slične informacije:

- Prije upotrebe pažljivo pročitajte uputstva i sačuvajte ih za buduću upotrebu. Dijete se može povrijediti ukoliko ne slijedite ova uputstva;
- UPOZORENJE — Nikad ne ostavljajte dijete bez nadzora;
- UPOZORENJE — Dijete će se moći kretati brže i dalje kada se nalazi u dječijoj hodalici;
- Onemogućite djetetu pristup stubištu, stepenicama i neravnim površinama;
- Spriječite pristup vatri, uređajima za grijanje i kuhanje;
- Držite izvan dohvata djece vruće tečnosti, električne žice i druge potencijalne opasnosti;
- Spriječiti sudar sa staklenim površinama u vratima, prozorima i namještaju;
- Ne koristiti dječiju hodalicu ukoliko je bilo koji njen dio slomljen ili nedostaje;
- Ova dječija hodalica bi se trebala koristiti u kratkom vremenskom periodu (npr. 20 minuta);
- Ova dječija hodalica je namijenjena samo za djecu koja mogu samostalno sjediti, približno oko 6 mjeseci starosti. Nije namijenjena za djecu težu od 12 kg;
- Ne koristiti zamjenske dijelove koje nije odobrio proizvođač ili distributer;
- Uputstva za redovno održavanje i čišćenje ili pranje.